

ASTIGARRAGAKO UDALAREN ETA ZIPOTZA ELKARTEAREN ARTEKO HITZARMENA, DIRULAGUNTZA IZENDUNA ARAUTZEKO

Astigarragan, 2026ko apirilaren 28an.

PARTE HARTZEN DUTE

Alde batetik, Xabier Urdangarin Lasa, Astigarragako alkatea, Astigarragako Udalaren izenean eta ordezkartzan.

Bestetik, Amaur Altamira Olaziregi G20510962 IF zenbakia duen Zipotza elkartearen izenean eta ordezkartzan.

Bi aldeek hitzarmen hau egiteko gaitasun osoa eta kasuan kasuko ordezkartza aitortzen diote elkarri eta eragin horretarako ondokoa

ADIERAZI DUTE:

1.- Toki Araubidearen Oinarriak arautzen dituen 7/1985 Legearen 25. artikuluen eta/edo Euskadiko Toki Erakundeei buruzko 2/2016 Legearen 17. artikuluari jarraikiz, udalerrien eskumen propioa dela: Kultura eta kultura-jarduerak antolatzea eta sustatzea, eta erabilera publikoko kultura-ekipamenduak kudeatzea.

2.- Zipotza elkarte irabazi asmorik gabea da eta, besteak beste, honako helburuak dituela:

Kultura, kirol eta jolas-jarduerak sustatzea, natura eta ingurumenaren kontserbazioarekin lotutako jarduerak sustatzea, euskara, bertako folklorea eta euskal kulturaren gainerako elementu materiala aztertu, zabaldu eta bultzatzea, zinematografiaren, antzerkiaren, grabatuaren, zeramikaren, argazki-grafiaren eta, oro har, garapen pertsonal eta komunitarioa sustatzen dutena dierazpen artistiko eta plastiko guztien azterketa, bilakaera eta irakaskuntza sinplifikatua. Horrez gain, lankidetzaren presoen eta haien familien problematikaren arloan lan egiten duten elkarte edo erakundeekin, gure herriko lurraldeekiko loturak suspertzen dituzten jarduerak sustatzea.

3.- Zipotza elkarteak 2026-03-09an (2026-00000001286 erregistro zenbakia) Astigarragako Udalari 5.650 €-ko dirulaguntza eskatu diola elkarteak urtean zehar antolatuko dituen jardueren gastuei aurre egiteko.

4.- Astigarragako Udalak indarrean duen dirulaguntzen plan estrategikoan dirulaguntza izenduen lerro hau jasotzen dela:

Pertsona hartzaileak: Zipotza elkarte

Ematearen modalitatea: Izenduna.

Helburuak: 2026an antolatuko diren hainbat jarduera laguntzea.

5.- Udalak Zipotza elkartearen izenean 5.500 € aurreikusi ditu udal-aurrekontuko kontu-sail honetan: 1 0700.481.01.334.25 2026 (4410)

6.- Dirulaguntzei buruzko 38/2003 Lege Orokorraren 22. eta 28. artikuluekin eta Dirulaguntzen Udal Ordenantzarekin bat etorrira, zuzenean ematen diren dirulaguntzen erabakiak hitzarmen bidez hartu behar direla; eta ezinbestekoa dela araudi horietan xedatutakoa kontuan hartzea.

7.- Hirugarren akordioan jasotako jardueren izaerari zalantzarik gabe erantzuten dioten gastuak baino ez dira diruz lagunduko, betiere hitzarmenean ezarritako epeen barruan egiten badira. Hau da, eskainitako emanaldi bakoitzeko txistulariei dieta ordaintzeaz gain, jantziak, instrumentuak eta elkartearen funtzionamendu gastuak babestuko dira.

8.- Elkartea desegingo balitz, Udalak emandako dirulaguntzekin erositako jantzi, instrumentu, material edo ekipamendua Udalaren jabetzakoa izango litzateke.

Ondorioz, bi aldeek erabaki dute hitzarmen hau onartzea akordio hauekin:

AKORDIOAK

LEHENA.- Hitzarmen honen xedea Zipotza elkartearen 2026ko jardueretarako dirulaguntza arautzea da.

BIGARRENA.- Jarduera horiek bideratzeko Astigarragako Udalak Zipotza elkarteari **5.500€-ko dirulaguntza emango** dio, hori baita Udal aurrekontuetan aurreikusitako gehieneko kopurua.

HIRUGARRENA.- Zipotza elkarteak betebeharrak hartzen ditu:

3.1. 2026an ondoko jarduera hauek burutzea: Inauterietan kaldereroen konpartsa, bertso saio musikatu bat, Santio jaietan musika emanaldia, hainbat hitzaldi eta solasaldi, sukaldaritza tailerra eta uda hasierako jai eguna.

3.2. Dirulaguntzaren udal ordenantzaren 22. artikuluan adierazitakoa betetzea, hala nola: diru ekarpena dirulaguntzaren xederako erabiltzea, dirulaguntza zuritzea, beharrezko baimenak eskatzea, udalaren ikuskaritza onartzea, hizkuntza eta berdintasun irizpideak betetzea, aldaketa esanguratsuen berri ematea.

3.3. Elkaratearen ardura izango da ekintza bideratzeko beharrezko giza baliabideak jartzea; eta nolanahi ere, indarrean dagoen legeria betetzea.

3.4. Dirulaguntza itzultzea, baldin eta dirulaguntza emateko ezarritako baldintzak eta betebeharrak betetzen ez badira, eta, nolanahi ere, indarrean dagoen araudiak xedatutako kasuetan.

3.5. Dirulaguntza beranduenez, **2027ko urtarrilaren 15erako** zuritu beharko da udal

ordenantzaren 24. artikuluan jasotako agiriak aurkeztuta.

3.6. Diruz lagunduko diren gastuak, udal ordenantzaren 8. artikulua dioenez, jardueraren izaerari inolako zalantzarik gabe erantzuten diotenak izango dira.

Ostalaritza eta dieta gastuak zerbitzua edo lana ordaintzeko denean bakarrik onartuko dira, baldin eta gastua emandako zerbitzuarekiko proportzionala bada eta zerbitzua eman duen talde edo konpainia artistikoko kideetara mugatuta badago. Kanpotik bidaia behar duten talde ez profesionalen kasuan bakarrik onartuko dira zerbitzuaren fakturaz gain ostalaritza eta dieta gastu gehigarriak.

Bidaia gastuak berriz, gehienez %30ean lagunduko dira.

3.7. Jasotako zenbatekoak itzultzea, dagozkion atzerapen interesekin, Dirulaguntzen Lege Orokorren 37. artikuluan araututako kasuetan, bai eta Dirulaguntzen Udal Ordenantzan edota hitzarmen honetan jasotako baldintzak ez betetzeagatik.

3.8. Hitzarmen honetan hitzartutako lankidetzak eta betetze mailaren jarraipena egiteko udalak eskatutako bilerak egitea eta informazioa ematea. Udalak horrela eskatuz gero, elkarteak ezingo dio uko egin.

LAUGARRENA.- Udalaren betebeharrak hauek izango dira:

4.1. Dirulaguntzaren Udal Ordenantzaren 23. artikulua aurreikusitako %70eko ordainketa bideratuko da, dirulaguntzaren onarpenarekin batera.

4.2. Jarraian adierazten diren udal azpiegitura eta ekipamenduak uztea (*aretoak, espazio publikoak, mahaiak, aulkiak...*), baldintza hauetan:

- Udal material eta ekipamendu orokorra Zipotza elkartearen esku jarriko da hitzatutako jardueren antolaketarako beharrezkoa bada eta libre baldin badago, baina horretarako eskaera zehatza aurkeztu beharko da udaletxeko erregistroan.

4.3. Hitzarmen honen baitan burutuko diren jardueren informazioaren berri garaitz ematea Udalak hileroko agendan eta bestelako euskarrietan argitara dezan.

4.4. Diru itzulketen espedienteak izapidetzea udal ordenantzaren 26 eta 27. artikuluen arabera.

4.5. Hitzarmen honetan jasotakoak ez betetzea arau-haustetzat jo daitekeenean (*Dirulaguntzaren Udal Ordenantzaren 28. artikuluen arabera*) zehapen espedientea izapidetzea ordenantzaren 28 eta hurrengo artikuluei jarraiki.

BOSGARRENA.- Udalaren dirulaguntza bateragarria izango da beste erakunde publiko edo pribatuak xede bererako eman ditzaketen bestelako dirulaguntzekin. Edozein modutan, ez da gain finantzaketarik egongo, eta hala gertatuko balitz, elkarteak dirua itzuli egin beharko luke.

SEIGARRENA.- Hitzarmen honek izaera administratiboa du eta bere interpretazioan eta garapenean dirulaguntzei aplikagarria zaien administrazioaren ordenamendu juridikoa aplikatuko da.

Interpretazio hori egitea, Astigarragako Udalari dagokio eta horrek hartutako erabakiek amaiera emango diote bide administratiboari eta hartzen diren unetik bertatik bete beharrekoak izango dira.

ZAZPIGARRENA: Hitzarmen honetako alde biek hartzen dituzten betebeharrak edo erantzukizunak, eta elkarrengandik dituzten eskubideak, eta hitzarmen honetan

aurreikusten edo jasotzen ez den guztietarako, honako legeria aplikatuko da:

1. Apirilaren 2ko Toki Korporazioetako Oinarri arautzailearen 7/1985 zenbakidun Legea eta apirilaren 18ko erregimen lokaleko arauak biltzen dituen 781/1986 zenbakidun Testu Bateratua, beti ere Kontratu Legean ezarritakoaren aurka ez baldin badoa.
2. Herri Administrazioetako Dirulaguntzak arautzen dituen azaroaren 17ko 38/2003 Legea.
3. Uztailaren 21eko 887/2006 Errege Dekretua, zeinen bitartez dirulaguntza orokorrak arautzen dituen azaroaren 17ko 38/2003 legearena erreglamentua onartzen dena.
4. Dirulaguntzen Udal Ordenantza (*ordenantza eskura dago udalaren webgunean: <https://www.astigarraga.eus/eu/beste-ordenantza-batzuk>*)
5. Honetaz gain, zuzenbide administratiboko arauak eta bere kasuan zuzenbide pribatuko arauak aplikatuko dira.

ZORTZIGARRENA.- Zipotza elkarteak 3.5 puntuan adierazitako datan Astigarragako Udalari urteko jardunaren txostena aurkeztuko dio ondoko informazio eta agiriekin batera:

- **Memoriaren fitxa osatuta** (emanaldiak, datak, parte-hartzaileak, balorazioa, argazkiak...),
- **Gastuen zerrenda** (gastu bakoitzaren azalpena eta bakoitzari dagokion **faktura edota egiaztagiria** (zerrendaren ordena berean) **eta horiek ordaindu izanaren egiaztagiria** (transferentzia agiriak...)
- **Diru sarrearen ziurtagiriak**
- **Hizkuntza eta berdintasun fitxak** eta ikus-entzunezko eta material grafiko oro (kartel, esku-orri, bideo...).

BEDERATZIGARRENA: Hitzarmen honetatik sortzen diren auziak administrazioari auzigaietarako jurisdikzioaren menpe geratuko dira.

Horrela jaso dadin eta ados daudela adierazteko hitzarmen hau sinatu dute hasieran adierazitako lekuan eta datan.

Xabier Urdangarin Lasa
Alkatea

Amaiur Altamira Olaziregi
Zipotza elkartearen izenean



Sinaduren laburpena / Resumen de firmas

Titulua / Título:

2026KHTZ0008-ZipotzaHitzarm/ZipotzaHitzarm ()

Digitalki sinatua:



Astigarragako Udala

URDANGARIN LASA XABIER
ALKATEA

Data: 2026/05/18 13:12:38

